

## ABEGI ETXEAREN ALBOKO PARKEAREN INGURUKO KONTROL MOZIOA

Olaia Duarte Lopez EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten du Udalbatzan azter dadin. Mozioa 2016ko apirilaren 10ean Gune Publikoen Batzordean aztertutako interpelazioaren ondorioa da.

### JUSTIFIKAZIOA

Martxoko udalbatzarrean, Irabazi Donostia taldeak Abegi Etxearen eranskinaren inguruko kontrol mozio bat aurkeztu zuen.

Abegi Etxeari erantsitako eraikin hori adingabeak dituzten familiei zuzenduta dago. Eraikinak hiru logela ditu literekin, sukalde-jantoki bat, bi bainugela eta dutxa bat. Gizarte-ekintzako erreglamenduan azaltzen denez, salbuespenik ezean, egonaldiak ezin dira hiru egun baino gehiagokoak izan.

Azken urteetako memorien arabera, baliabide horren erabilera areagotu egin da: 2014an, 31 bizikidetzaren unitate 51 adingaberekin egon ziren eraikinean, guztira 312 egunetan; 2015ean, aldiz, 39 familia 65 adingaberekin, eraikina 337 egunetan erabilia. Iazko txostena oraindik ez dago eskuragarri, baina zinegotzi ordezkariak hil honetako batzordean jakinarazi du 365 egunetan erabili dela.

Kasu gehienetan zaila da familientzat etxebizitza aukerak lortzea edo, hainbat arrazoi tarteko, familiak hiru egun baino gehiago gelditzen dira eranskinean. Hori dela eta, behin baina gehiagotan oposizioko alderdiek eranskina hobetzeko neurriak hartu behar direla esan diogu Udal Gobernuari; batez ere, adingabeen oinarritzko premiak hobeto asetzeko.

Esate baterako, eraikinaren barrualdean espazio gutxi dago, eta familiek egonaldi atsegin bat izatea eragozten du horrek. Adibidez, espazio faltagatik, umeentzako kotxeak edo aulkiak kanpoan utzi behar izaten dituzte, eta euria egiten duenean busti egiten dira. Bestalde, ez dago jolasgunerik edo ikasteko tokirik.

Irabazi Donostiak martxoan aurkeztu zuen mozioak honaku hau eskatzen zuen:

- Donostiako Udalbatzak Udal Gobernuari eskatzen dio Udalaren Gizarte Abegi Etxeari erantsitako eraikinaren kanpoko espazioa handiagotu dezala, bertan dauden adingabeentzat jolasgune bat jartzeko.
- Donostiako Udalbatzak Udal Gobernuari eskatzen dio Udalaren Gizarte Abegi Etxeari erantsitako eraikinaren kanpoaldearen zati bat estal dezala, adingabeen kotxeak edo aulkiak busti gabe gorde ahal izateko.
- Donostiako Udalbatzak Udal Gobernuari eskatzen dio azterketa bat egin dezala Udalaren Gizarte Abegi Etxeari erantsitako eraikinak duen erabileraren inguruan, hirian beste espazio osagarri batzuk —handiagoak eta egonaldi luzeetarako baldintza hobekak dituztenak— jartzeko aukera aztertzeke.

Udal Gobernuak osatzen duten taldeek ezezkoa bozkatu zioten mozioari eta hau izan ziren Gizarte-ekintzako zinegotzi-ordezkariekin justifikazioa jolasgunearen beharra baztertzeko (transkripzioa): *“vamos a votar que no fundamentalmente por dos cuestiones: nos piden aumentar el espacio, no hay espacio para aumentar; no es posible y lo dicen hasta los técnicos. Y segundo, esto me parece indignante y lo tengo que explicar; nos dicen que pongamos una zona de juegos pero es que a 50 metros escasos hay un parque infantil que creemos que es donde tienen que estar estos niños y niñas también ¿o es que acaso porque son pobres o no tienen recursos no tienen derecho a mezclarse con el resto de niños y niñas?”*

Martxoan Marrutxipiko bililagunekin auzo bisita egin genuen inguru hartan eta, hain zuzen ere, Gizarte-ekintzako zinegotziak aipatzen duen parkearen inguruan hitz egin genuen. Auzotarren hitzetan, umeek ezin dute parkea erabili oso egoera kaxkarra duelako (kolunpioa apurtuta dago, egurra oso egoera txarrean dago kardamua dela eta, goroldioaren ondorioz umeak erori egiten dira eta abar).

Apirileko batzordeetan Gune Publikoetako zinegotziak aitortu zuen parkea egoera kaxkarrean dagoela eta erabilpen gutxi duela. Konponketak egin daitezkeela esan zuen, baina ez zuen zehaztasunik eman eta aurrekontuaz ere ez zuen hitz egin.

Kontuan izanda Udal Gobernuak osatzen duten taldeek ezezkoa eman ziotela Abegi Etxean konponketak egiteari, parkearen egoera hobetu behar dela uste dugu, Abegi Etxean dauden haurrek eta auzoko gainerakoek ere jolas-gune egoki bat izan dezaten.

Honegatik guztiarengatik, behean sinatzen duen zinegotziak honako **KONTROL MOZIO** hau aurkezten du:

1. Udalbatzak eskatzen dio Udal Gobernuari Abegi Etxearen alboan dagoen parkea konpon dezala.

EH Bildu talde politikoa  
Grupo político EH Bildu

Ijentea, 1 - Tel. 943481027 - [www.donostia.eus](http://www.donostia.eus) -  
20003 Donostia

2. Udalbatzak eskatzen dio Udal Gobernuari parkearen konponketa lehenbailehen egin dezala, umeez udan erabiltzeko aukera izan dezaten.

Donostian, 2017ko apirilaren 12an

Olaia Duarte López  
**EH Bildu udal taldeko zinegotzia**